

SABAHUDIN DELALIĆ
Zastupnik SDA
Skupština Kantona Sarajevo

24. radna sjednica Skupštine Kantona Sarajevo

Na osnovu člana 106. Poslovnika o radu Skupštine Kantona Sarajevo postavljam sljedeće

PONOVLJENO ZASTUPNIČKO PITANJE VLADI KANTONA

Koliko je imovine Kantona, izraženo u upisima, površini i vrijednosti, upisano u registar koji vodi Upravi za geodetske i imovinsko pravne poslove? Kolika je procjena imovine koja nije upisana? Koliko je pokrenuto zahtjeva za uknjižbu imovine Kantona u zemljišne knjige i završeno, po godinama? Zašto Registar nije dostupan javno – iniciram da se objavi? Na osnovu kojih procedura radi Uprava i koje podatke ima? Zašto Akcioni plan za popis i evidenciju imovine Kantona Sarajevo nije dostupan javno?

Obrazloženje:

Uprava za geodetske i imovinsko pravne poslove u sastavu Ministarstva prostornog uređenja, građenja i zaštite okoliša Kantona Sarajevo je od 2013. godine ponovo zadužena za jedinstvenu evidenciju imovine Kantona Sarajevo.

U nekadašnjem odgovoru na zastupničko pitanje je navedeno da je u 05.2013. g. preuzimanjem i uvidom u dokumentaciju o evidenciji imovine Kantona Sarajevo od "Odjeljenja za dokumentaciju", Uprava utvrdila da su raspoloživa dokumenta zastarjela, odnosno da podaci o imovini nisu ažurirani duži vremenski period (cirka 10. god.), što je jasno nedopustivo pa i skandalozno.

U međuvremenu je vidljivo i lutanje i prebacivanje sa Uprave na Odjeljenje i nazad na Upravu, sve u sastavu istog Ministarstva, i postavlja se pitanje da li je ovome sada dana dužna pažnja, obzirom na značaj i vrijednost zbirke koju vode.

Na moje slično pitanje **01.02.2016.** je Ministarstvo odgovorilo 25.02.2016. godine. Odgovor je bez ikakvih pokazatelja, neprecizan, sa netačnim tvrdnjama i neprihvatljiv, te izražam **nezadovoljstvo** takvim odgovorom i odnosom prema ovom važnom pitanju.

Postavlja se pitanje zar nije moguće imati i dati podatke i šta se radilo **19** godina, jer Uprava postoji od 1997. godine.

Na pitanje koje je **ponovljeno 27.4.2016.** prema Vladi Kantona, radi njegove važnosti, nikada nije primljen odgovor.

U međuvremenu je slučaj OŠ. "Silvije Strahimir Kranjčević" 15.11.2016. pokazao dubinu problema, te da se reaguje unazad, na pojedinačnom slučaju, umjesto sistemski, za što Kanton ima i plaća institucije.

Stoga **ponovo tražim odgovor Vlade** na postavljena pitanja.

Koliko je imovine Kantona, tabelarno izraženo po godinama i ukupno, navedeno u broju upisa, površini i vrijednosti imovine, upisano u registar koji vodi.

Kolika je procjena i vrsta imovine koja još nije upisana i zašto?

Molim objašnjenje zašto je izmijenjena Uredba na način da je brisana obaveza vođenja bitnih podataka o površini, amortizaciji i vrijednosti?


Koliko je pokrenuto zahtjeva za uknjižbu imovine Kantona u zemljišne knjige, i koliko ih je upisano?

Zašto Registar imovine Kantona nije dostupan javno, putem internet stranice? Iniciram ponovo da se objavi jer bi to moglo doprinijeti ovom procesu.

Na osnovu kojih procedura radi Uprava i koje podatke ima i kako se mjeri njen učinak i provjeravaju postupci koje radi?

Zašto Akcioni plan za popis i evidenciju imovine Kantona Sarajevo, kao strateški dokument, nije dostupan javno, putem internet stranice, niti je Uredba o evidenciji imovine Kantona Sarajevo dostupna na stranici matičnog Ministarstva, a na to sam upozorio prije godinu dana?

Sarajevo, 07.02.2017. godine

SABAHUDIN DELALIĆ

Doprdsjedavajući Skupštine